

Jutta Fluhr & Karin Hartl

Wenn man sich trifft wird gern erzählt
Was denn so passiert isch in dr oigena Welt
Wenn man sich dann au no besser kennt
Verzählt ma au wenn ma hot was verpennt
So erzählte die Jutta Fluhr als sie sie sah
Der Karin Hartl was ihr geschah
„Woisch Karin a Bußgeld muss i jetzt zahlen
Weil Behördenmühlen doch kräftig mahlen
`s war oim Beamta anscheinend auffällig
Dass mein TÜV seit 3 Monaten überfällig
Vom Konto hont se scho Geld eigsoga
20 Euro Strafe weil dia Frist überzoga“
„Mensch Jutta sowas könnt mir passiera nie
Bei mir unmöglich dass i so a Pflicht übersieh
Des muss ma doch wissa wenn es isch soweit
Dass für dr Karra isch TÜV Plaketten Zeit“
So sind dia boide wieder auseinander gloffa
Wenige Wochen später hont se sich wieder troffa
I wäret it glauba um was es in dem Gespräch ging
Nur diesmal dia Karin davon anfang
„Ooh, Jutta ich muss Dir was berichten
Au an mi duats Landratsamt Briefe richten
Mit dem Gschriebena welltat dia erreicha
Dass i a Bußgeld dua schnell begleicha
20 Euro für en Toil von meim Nummernschild
Weil seit 3 Monaten au mein TÜV nimmer gilt“
Wohl dem der bei anderer Leute Mißgeschick
Dia oigena Pflichten behält im Blick
Weil sonscht so a Straf komisch ausschaut
Wenn vorher so a Eselsbrück wird gebaut
AHA